

Bischer iwwer de Moo

Deletzd hat isch on dere Stell geschriwwe, dasses Bischer iwwer de Moo gibt, awwer wie vill, dess waaß isch nitt. Weil doo duts gons sicher vill defoo mett Bezuuch uff die jeweilisch Geeschend gewwe. Doodemett moon isch, dass derjenische, der oons defoo geschriwwe hott, mieh su ferr „die Leit drumerum“ geschriwwe hott, also ferr Leserinne unn Leser, die in de Näh vunn der Schreiberin odder vunn dem Schreiber dehoom sinn unn die sich dessdeweese nor ferr heechstens zwonnsisch Kilometer rund um ihrn Heimatort intressiern dun.

Awwer es dut gons sischer aach onnern Bischer iwwer de Moo gewwe unn vunn dene kenn isch zwaa. Dess oone heeßt „Der Main. Von der Quelle bis zur Mündung“, iss e Sachbuch iwwer de Moo unn dut de Fluss vunn soine Quelle bis bei die Mündung in de Rhoi gut beschreiw. Vill Städt unn Städtcher sinn dort uffgefiehrt unn aach unser Flerschem wird genennd unn beschriwwe.

Dess onnere hott de Titel: „Also lustig sah es aus, wo der Main vorüberfloß“, iss vunn Wolfgang Klötzer unn iss im Jahr 1991 gedruckt worrn. Soin Titel hott dess Buch nooch emm Gedicht vumm Goethe unn Goethe mächt sich joo immer gut. Zu soine Lebzeite werrds gons sischer su gewese soi, dass, wo der Monn aach hiehkumme iss, soi Gastgewer gebitteld unn gebetteld hawwe: Ach bitte, lieber Herr von Goethe, würden Sie uns bitte etwas in unser Gästebuch schreiw, ein Gedicht vielleicht?

Unn was werrd der arme Monn gemacht hawwe? Weiler gut gesse unn getrunke hadd hotter konnt er joo nitt „Naa“ saache. Doo sitzder halt omm Disch, dut Deller unn Besteck uff die Seit schiewe, nimmt erst noch mal einen Schluck Riesling unn schreibt, unn die Leit gugge oodächdisch zu, unn wanner de Griffel uff die Seit geleschd hott, hawwe se geklatscht, de Goethe iss uffgestonne, hott sich mett emm Kopfnigge rundereum bedonkt unn iss onn de Dier enaus nitt ohne ze denke: Zu denen komm ich auch nicht mehr, allsfort wollen sie etwas von mir geschrieben haben, ich glaube, sie wollen das von mir Geschriebene später mal verkaufen. Und eitel wie der Goethe gewese ist, hotter noch gedenkt: Und sie bekommen eine Menge Geld dafür.

Eiern Honnes